



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. XXXVI. Contra vana hominum iudicia.

[urn:nbn:de:hbz:466:1-45760](#)

tiones varias, magnasq; desolationes. Sed patienter sustinuerunt se in omnibus, & magis confisi sunt Deo, quām sibi: scientes, quia non sunt condignæ *Rom. 8.* passiones huius temporis, ad futuram gloriam promerendam. Vis tu statim habere, quod multi post multas lacrymas & magnos labores, vix obtinuerunt? Exspecta Dominum, viriliter *Ps. 26.* age, & confortare: noli diffidere, noli discedere: sed corpus & animam expone constanter, pro gloria Dei. Ego reddam plenissimè: ego tecum ero, in omni tribulatione.

C A P. XXXVI.

Contra vanorum hominum iudicia.

FILI, iacta cor tuum firmiter in Domino, & humanum ne metuas iudicium, ubi te conscientia pium reddit & insontem. Bonum est & beatum taliter pati, nec hoc erit graue humili cordi, & Deo magis, quām sibi ipsi confidenti. Multi multa loquuntur, & ideo parua fides est adhibenda. Sed & omnibus satis esse, non est possibile. Et si Paulus omnibus studuit *Cor. 9*

in

2 Cor. 4 in Domino placere, & omnibus omnia factus est: tamen etiam pro minimo duxit, quod ab humano die iudicatus fuerit.

2 Coloss. 1 Egit satis pro aliorum ædificatione & salute, quantum in se erat & poterat: sed ne ab aliis aliquando iudicaretur, vel non despiceretur, cohíbere non potuit. Ideò totum Deo commisit, qui totum nouerat: & patientia ac humilitate, contra ora loquentium iniqua, aut etiam vana ac mendosa cogitantium, atque pro libitu suo quæque iactantium, se defendit. **Act. 26** Respondit tamen interdum, ne infirmis, **I Thes. 1.** ex sua taciturnitate generaretur scandalum.

3 Quis tu, vt timeas à mortali homine? Hodie est, & cras non compareret. Deum time, & hominum terrores non expauesces. Quid potest aliquis in te verbis, aut iniuriis? Sibi potius nocet, quam tibi: nec poterit iudicium Dei effugere, quicumque est ille. Tu habe Deum præ oculis, & **Cor. 11** noli contendere verbis querulofisis. Quod si ad præsens tu vidēris succubbi, & confusionem pati, quam non me-

meruisti: ne indigneris ex hoc, neque per impatientiam minuas coronam *Heb. 12* tuam: sed ad me potius respice in cælum, qui potens sum eripere, ab omni confusione & iniuria, & vnicuique reddere secundum opera sua.

C A P. XXXVII.

*De pura & integra resignatione sui,
ad obtainendam cordis libertatem.*

FILI, relinque te, & inuenies *Mat. 16* me. Sta sine electione & omni proprietate, & lucraberis semper. Nam & adiicietur tibi amplior gratia, statim ut te resignaueris, nec resumperis. Domine, quoties me resignabo, & in quibus me relinquam? Semper, & omni hora: sicut in paruo, sic & in magno. Nihil excipio, sed in omnibus te nudatum inueniri volo. Alioquin, quomodo poteris esse meus, & ego tuus: nisi fueris ab omni propria voluntate, intus & foris spoliatus? Quantò celerius hoc agis, tantò melius habebis: & quantò pleniùs & sinceriùs, tantò mihi plus placebis, & amplius lucraberis.

2 Qui-